

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“ broj 7/10, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 21. sjednici održanoj dana 30.07.2015. godine, d o n o s i

ZAKLJUČAK

I.

Prihvata se Informacija o toku postupanja po Zaključku Skupštine Zeničko-dobojskog kantona sa nastavka 2. sjednice broj:01-14-25553-1/14 od 30.12.2014. godine.

II.

Za realizaciju ovog zaključka zadužuju se Ministarstvo za rad, socijalnu politiku i izbjeglice i JU Služba za zapošljavanje Zeničko-dobojskog kantona, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/15.
Datum, 30.07.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x JU Služba za zapošljavanje,
Zeničko-dobojskog kantona (putem ministarstva),
1x a/a.

**ZENIČKO-DOBOJSKI KANTON
MINISTARSTVO ZA RAD, SOCIJALNU
POLITIKU I IZBJEGLICE**

INFORMACIJA

**o toku postupanja po Zaključku Skupštine Zeničko-dobojskog kantona
sa nastavka 2. sjednice broj:01-14-25553-1/14 od 30.12.2014. godine**

Zenica, juli 2015. godine

Na osnovu Zaključka Skupštine Zeničko-dobojskog kantona sa nastavka 2. sjednice broj:01-14-25553-1/14 od 30.12.2014. godine, Ministarstvo za rad, socijalnu politiku i izbjeglice, sačinilo je Informaciju o postupanju Službe za zapošljavanje Zeničko-dobojskog kantona po Zaključku Skupštine Zeničko-dobojskog kantona sa nastavka 2. sjednice broj:01-14-25553-1/14 od 30.12.2014. godine.

UVOD

Zaključkom Skupštine Zeničko-dobojskog kantona sa nastavka 2. sjednice broj:01-14-25553-1/14 od 30.12.2014. godine zadužena je Vlada Zeničko-dobojskog kantona da dostavi izvještaj o radu JU Služba za zapošljavanje za 2014. godinu sa posebnim osvrtom na nova zapošljavanja u Službi i efekte provedenih mjera za finansijsku konsolidaciju Službe koje je usvojio Upravni odbor u aprilu 2012. godine. Skupština je pozvala Ured za reviziju institucija FBiH radi kontrole poslovanja u Službi, a Vlada je zadužena da zaustavi sva dalja zapošljavanja u Službi.

PROVEDENE AKTIVNOSTI

1. Postupajući po Zaključku Skupštine Služba je dostavila Izvještaj broj:01-49-559/15 od 21.01.2015. godine, u kojem naglašavaju da godišnje izvještaje dostavljaju resornom kantonalnom ministarstvu, kantonalnom i federalnom ministarstvu finansija do 05.03. tekuće godine, te da redovan Finansijski izvještaj sadrži i izvještaj o radu Službe. Izvještaj je sadržavao sljedeće:

- Mjere štednje radi finansijske stabilizacije Službe, u kojem je naglašeno da su finansijski deficit kojim je završeno poslovanje Službe u 2012. godini rješavali mjerama štednje;
- Kratak osvrt na nova zapošljavanja sa naglaskom da Finansijski plan Službe sadrži i Plan broja radnih mjesta i strukturu zaposlenih, odnosno da je na kraju 2012. godine u Službi bilo zaposleno 87 zaposlenika a do kraja 2014. godine 96 zaposlenika ;
- Ostali dio izvještaja odnosio se na događanja vezana za personalne probleme sa zaposlenikom Suljom Čolakovićem.

Vlada Zeničko-dobojskog kantona je Zaključkom broj:02-14-3875/15 od 17.02.2015. godine vratila na doradu Izvještaj Službe, prihvativši Mišljenje Ministarstva, da Kanton kao osnivač Službe, može zatražiti vanredno izvještavanje, ukoliko smatra da ima elemenata zbog kojih je to potrebno, kao i da izvještaj o radu ne treba da sadrži pojedinačne radnje uposlenika odnosno njihove dokazane ili nedokazane propuste.

2. Služba za zapošljavanje je 05.03.2015. godine dostavila Ministarstvu Izvještaj o radu Službe za 2014. godinu usvojen na 28. Sjednici Upravnog odbora Službe održanoj 27.02.2015. godine i Izvještaj o radu Upravnog i Nadzornog odbora za 2014. godinu. Naime, ovaj Izvještaj nije sadržavao traženo po Zaključku Skupštine Zeničko-dobojskog kantona sa nastavka 2. sjednice broj:01-14-25553-1/14 od 30.12.2014. godine, te je isti Zaključkom Vlade Zeničko-dobojskog kantona broj:02-34-11555/15 od 20.05.2015. godine vraćen Službi radi dopune. Zbog navedenog Izvještaj nije proslijeđen Skupštini Zeničko-dobojskog kantona.
3. Dana 03.06.2015. godine Služba je uz akt broj:01-49-3017-1/15 sa naznakom predmeta-Dopuna Izvještaja o radu JU Služba za zapošljavanje Zeničko-dobojskog kantona za 2014. godinu, dostavila isti Izvještaj o radu iz februara 2015. godine usvojen na 28. sjednici Upravnog odbora Službe održanoj 27.02.2015. godine. Upravni odbor nije održao novu sjednicu s ciljem postupanja po Zaključku Vlade Zeničko-dobojskog kantona broj:02-34-11555/15 od 20.05.2015. nego je direktor dopunio ranije dostavljeni Izvještaj poglavljem pod nazivom „Efekti provedenih mjera za finansijsku konsolidaciju Službe“. Istim je direktor istakao da je u 2011. godini i u periodu januar-mart 2012.

godine zbog deficita u poslovanju Službe, umanjena redovnih novčanih naknada nezaposlenim osobama i niza drugih loših pokazatelja (ne navodeći kojih) donesen Program mjera štednje koje su dovele do finansijske konsolidacije Službe i uspostavljene solventnosti već u 2012. godini. Iz navedenog su izveli zaključak da Program mjera štednje dalje u 2013. i 2014. godini nije bio obavezujući nego se primjenjivao po potrebi u skladu sa aktima Službe. U uvodnom dijelu Izvještaja navedeno je da se sa sadržajem istog samo upoznaje resorno Ministarstvo, Vlada i Skupština kantona, ne navodeći da je cilj izvještaja izvršenje zaduženja po Zaključku Skupštine Zeničko-dobojskog kantona broj:01-14-25553-1/14 od 30.12.2014. godine. Također je uočeno da Izvještaj suštinski, u većini sadrži samo nabrojane nadležnosti Službe, ovlaštenja direktora i rukovodećih zaposlenika sa opisom nadležnog postupanja organizacionih jedinica. U dijelu ovog Izvještaja pod tačkom 3. Zapošljavanje ističe se da su za sve imali saglasnost Ministarstva, Vlade i Skupštine Zeničko-dobojskog kantona, a što se odnosilo na usvajanje Finansijskog plana kojeg je sastavni dio i broj zaposlenika. S obzirom da ni ovaj Dopunjeni izvještaj nije bio u skladu sa zaduženjem po Zaključku Skupštine Zeničko-dobojskog kantona broj:01-14-25553-1/14 na 20. sjednici Vlade isti nije prihvaćen.

4. U više navrata Premijeru Zeničko-dobojskog kantona i ovom Ministarstvu iz Službe su dostavljane informacije o narušenim međuljudskim odnosima i događanjima koja su zbog svoje prirode imali ili imaju policijski i sudski epilog. Jedna od obaveza direktora je da uspostavi, zajedno sa najbližim saradnicima, radnu i organizacionu disciplinu.
5. Periodični finansijski izvještaj Službe za period od 01.01.do 30.06.2015. godine broj:02-14-4275-2/15 od 20.07.2015. godine pokazuje da su rashodi veći od prihoda, odnosno da je zabilježen deficit od 1.973.998 KM. Iako je Program mjera štednje Vlade za 2015. godinu obavezujući i za Službu u prvih šest mjeseci tekuće godine plate su povećane za 5,55 %, a tekući transferi i drugi tekući rashodi (subvencije javnim preduzećima, subvencije privatnim preduzećima i poduzetnicima i dr.) umanjeni u odnosu na isti period u 2014. godini., a kako je prikazano u narednoj tabeli.

PREGLED OSTVARENIH PRIHODA I RASHODA JU SLUŽBA ZA ZAPOŠLJAVANJE ZDK

Prihodi	Budžet	I-VI 2015	I-VI 2014	%	%
1	2	3	4	5=3/2	6=3/4
Prihodi od poreza	12.880.271	6.445.319	5.962.992	50,04	108,09
Neporeski prihodi	239.584	144.423	87.147	60,28	165,72
Tekući transferi	6.399.775	920.977	2.830.403	14,39	32,54
Kapitalni transferi	0	0	0		
Kapitalni primici	97.600	5.274	98.937	5,40	5,33
Ukupno prihodi	19.617.230	7.515.993	8.979.479	38,31	83,70

Rashodi	Budžet	I-VI 2015	I-VI 2014	%	%
1	2	3	4	5=3/2	6=3/4
Bruto plaće i naknade	3.117.820	1.585.013	1.501.726	50,84	105,55
Izdaci za materijal i usluge	726.136	217.519	272.592	29,96	79,80
Tekući transferi	15.247.874	7.686.170	8.323.193	50,41	92,35
Kapitalni izdaci	375.400	1.289	229.251	0,34	0,56
Tekuća rezerva	150.000	0	0	0,00	
Ukupno rashodi	19.617.230	9.489.991	10.326.762	48,38	91,90

Razlika	0	-1.973.998	-1.347.283
----------------	----------	-------------------	-------------------

PRIJEDLOZI MJERA

S obzirom da dostavljeni i predloženi podaci o poslovanju JU Službe za zapošljavanje za prvih šest mjeseci 2015. godine ukazuju na višak rashoda nad prihodima to se predlaže sljedeće:

1. Razrješenje predsjednika i članova Upravnog i Nadzornog odbora Službe;
2. Imenovanje privremenog Upravnog i Nadzornog odbora Službe do okončanja postupka po oglasu a najduže na period od tri mjeseca;
3. Poduzeti mjere na finansijskoj konsolidaciji Službe;
4. Realizirati u potpunosti Program mjera štednje Vlade Zeničko-dobojskog kantona za 2015. godinu;
5. Potrebna hitna uspostava radne i organizacione discipline u Službi s ciljem u omogućavanja nesmetanog rada u Službi.

Ministarstvo za rad, socijalnu
politiku i izbjeglice

Ministar

Nurđehan Šahinović

Prilog:

- 1x Dopuna Izvještaja o radu JU Služba za zapošljavanje
Zeničko-dobojskog kantona za 2014. godinu,
- 1x Periodični finansijski izvještaj Službe za period
od 01.01.do 30.06.2015. godine

Zenica, juli 2015. godine